



Broj: T18 0 KT 0015180 21
Brčko, 22.11.2021. godine

Na osnovu člana 35. stav 2. tačka i) i člana 226. stav 1. Zakona o krivičnom postupku Brčko distrikta BiH, podižem

OPTUŽNICU

Protiv:

1. **PETRA LUKIĆ ... rođen ... 1994. godine u Brčkom** [...]
2. **MLADENA PETROVIĆ ... rođen ... 1991. godine u Tuzli** [...]
3. **DRAŽENA DUGONJIĆ ... rođen ... 1986. godine u Jajcu** [...]

Što su:

Petar Lukić, sam

1. U toku noći 31.10/01.11.2020. godine, u mjestu Plazulje, Brčko distrikt BiH, u namjeri da sebi pribavi protivpravnu imovinsku korist, došao do ugostiteljskog objekta Gastro centar „Bakarni lonac“, te ušao kroz otvoreni prozor objekta, koji je ranije tokom dana dok je sjedio u ugostiteljskom objektu ostavio otvorenim, gdje je upotrebom fizičke snage i podesnog predmeta obio dva slot aparata, jedan u vlasništvu preduzeća „Weld mag“, odnosno vlasništvo Z. K., odakle je oduzeo novac u iznosu od 1.490,00 KM, a drugi u vlasništvu „MD shop“, odnosno u vlasništvu B. J, iz kog je oduzeo novac u iznosu 1.284,00 KM, čime je za sebe pribavio protivpravnu imovinsku korist u ukupnom iznosu od 2.774,00 KM, te je Z. K. oštetio za novčani iznos od 1.490,00 KM, dok je B. J. oštetio za novčani iznos od 1.284,00 KM,

dakle, obijanjem da dođe do stvari iz zatvorenog prostora tuđu pokretninu oduzeo drugome s ciljem da njenim prisvajanjem pribavi sebi protivpravnu imovinsku korist,

Petar Lukić, Mladen Petrović i Dražen Dugonjić, zajedno

2. U noći 10/11.02.2021. godine oko 00,50 sati u u mjestu Plazulje, Brčko distrikt BiH, zajedno i po prethodnom dogovoru, u namjeri da za sebe pribave protivpravnu imovinsku korist, došli do ugostiteljskog objekta Gastro centar „Bakarni lonac“ vlasništvo N. R., gdje je Petar Lukić, dok su Mladen Petrović i Dražen Dugonjić napolju čuvali stražu, upotrebom podesnog predmeta izvršio rezanje zaštitne mrežice u visini od oko 140 cm na vanjskom magacinu koji se nalazi sa zadnje strane objekta, nakon čega je ušao u sušnicu, te izvršio razbijanje duplog stakla na pokretnom krilu vrata podrumskog magacina kojom prilikom je posjekao ruku, nakon čega su u objekat ušli Mladen Petrović i Dražen Dugonjić, te zajedno sa Petrom izvršili čišćenje razbijenog stakla i krvi, pa su njih dvojica ponovo izašli napolje da čuvaju stražu, dok je Petar Lukić ušao u unutrašnjost objekta, došao do šanka, izvršio pretres

stvari i iz čaše u kojoj radnici ugostiteljskog objekta drže sitan novac i novčanika crne boje oduzeo novac u iznosu od 500,00 KM, nakon čega su sva trojica napustili lice mjesta izvršenja, a oduzeti novac podijelili između sebe, čime su N.R., vlasnika ugostiteljskog objekta „Bakarni lonac“ oštetili za iznos od 500,00 KM,

dakle, obijanjem da dođu do stvari iz zatvorenog prostora tuđu pokretninu oduzeli drugome s ciljem da njenim prisvajanjem pribave sebi protivpravnu imovinsku korist,

čime je, Petar Lukić pod tačkom 1. i 2. optužnice počinio krivično djelo –Teška krađa – iz člana 281. stav (1) tačka 1) u vezi sa članovima 55. i 31. Krivičnog zakona Brčko distrikta BiH, dok su pod tačkom 2. optužnice Mladen Petrović i Dražen Dugonjić počinili krivično djelo –Teška krađa – iz člana 281. stav (1) tačka 1) u vezi sa članom 31. Krivičnog zakona Brčko distrikta BiH.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
